

普安州志卷之一



署普安州事永寧州知州王粵麟主修

普安州學正曹維祺纂修

廣東番禺縣舉人曹達

聖訓

伏惟我

朝

聖聖相承媿虞軼夏邁商越周凡屬條教著為典訓普

天率土罔不恪共普安州在西南隅士民僻處

王言如綸

普安州志

卷之一

聖訓

王言如綉鮮知讀者茲臣敬修志乘備典守謹錄課

吏務農訓飭士官諸條并諸簡端蓋

天子操此以寡天下之過而官師士庶伏而誦焉知

王道蕩蕩王道平平會其有極歸其有極無一

不本

聖人之錫極也

世祖章皇帝定鼎建國紀元詔 順治元年

我國家受

天眷佑肇造東土

列祖邁圖鴻緒

皇考彌廓前猷遂舉舊邦誕膺

新命迫朕嗣服雖在冲齡締念紹庭永綏厥位頃緣賊氛洊熾極禍明朝是用託重親賢救民塗炭乃方馳金鼓旋奏澄清既解倒懸非當天下而王公列辟文武羣臣暨軍民耆老合辭勸進懇切再三乃於今年十月初一日祇告

天地

宗廟

社稷卽皇帝位仍建有天下之號曰大清定鼎燕京紀元順治緬維峻命不易創業尤艱况當改革之

普安州志

卷之一

聖訓

二

初更屬變通之會爰乃酌今準古揆天時人事之宜庶幾吏習民安彰

祖功

宗德之大

聖祖仁皇帝平定滇黔詔 康熙二十年

朕纘承丕緒統御寰區仰惟

天

地眷佑之庥

祖

宗付託之重

聖祖母太皇太后慈訓之殷蚤夜孜孜勤求化理期於
兵革寢息海寓乂安不意逆賊吳三桂負國深
恩倡為變亂陰結奸黨同惡相援抗違詔令竊
據疆土滇黔閩浙楚蜀關隴兩粵豫章之間所
在驛騷肆騁痛毒三桂潛稱偽號逆焰彌滋負
罪尤甚朕恭行天討分命六師剿撫並施德威
互濟或繫頸於闕下或駢戮於師中擒捕誅鋤
以次收服乃三桂既膺神殛逆孫世蕃猶復鴟
張踞六詔之一隅延殘喘以拒命朕惟賊患一
日不除則民生一日不靖策勵將士屢趣師期
於是虎旅協心迨逼城下賊衆計窮勢蹙通欵
軍門約日獻城凶渠授首師克之日市肆不擾
邊境晏如捷書既至上慰

普安州志

卷之一

聖訓

三

郊廟

社稷之靈下抒中外臣民之憤神人昏悅遐邇騰歡念
自變亂以來軍民荼苦如在冰火披堅執銳卒
歲靡寧行齋居送千里相望被兵之地既罹於
鋒刃供億之衆復困於徵輸朕憫恤民艱不忍
輒加額賦間施權宜之令用濟征繕之需意在

聖祖仁皇帝御製訓飭士子文

康熙四十一年

除殘事非獲已而身處宮寢之內屢懷閭閻之
依中夜屢興盱食不暇怒焉思治八載於茲今
羣逆削平疆圉底定悉翦歷年之蠱賊永消異
日之隱憂用是蕩滌煩苛維新庶政大沛寬和
之澤冀臻熙皞之風所有事宣開列於後於戲
體覆載好生之德秋肅必繼以春溫法帝王更
化之模義正尤期於仁育誕告天下咸使聞知

普安州志

卷之一

聖訓

四

簡學使釐剔弊端務期風教修明賢才蔚起庶
幾棧樸作人之意乃比年士習未端儒效罕著
雖因內外臣工奉行未能盡善亦由爾諸生積
錮已久粹難改易之故也茲特親制訓言再加
警飭爾諸生其敬聽之從來學者先立品行次
及文學學術事功原委有叙爾諸生幼聞庭訓
長列宮牆朝夕誦讀寧無講究必也躬修實踐
砥礪廉隅敦孝順以事親秉忠貞以立志窮經
考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防

蕩佚子衿，僣達自昔。所譏苟行，止有虧雖。讀書何益，若夫宅心弗淑，行已多愆。或蜚語流言，脅制官長，或隱糧包訟，出入公門。或唆撥姦猾，欺孤凌寡，或招呼朋類，結社邀盟。乃如之人名教，不容鄉黨，切齒縱倖，脫褫扑濫，竊章縫返之於衷。寧無愧乎？况鄉會科名，乃掄才大典，關係尤重。士子果有實學，何患困不逢年，顧乃標榜虛名，暗通聲氣，夤緣詭遇，罔顧身家。又或改竄鄉貫，希圖進取，囂凌騰沸，網利營私，種種弊端，深可痛恨。且夫士子出身之始，尤貴以正。若茲厥

初拜獻便已作姦，犯科則異時敗檢，踰閥何所不至。又安望其秉公持正，為國家宣猷樹績，應後先疏附之選哉。朕用嘉惠爾等，故不禁反復惓惓。茲訓言頒到，爾等務共體朕心，恪遵明訓，一切痛加改省，爭自羅磨，積行勤學，以圖上進。國家三年登造，束帛弓旌，不時爾身有榮，即爾祖父亦增光寵矣。逢時得志，寧俟他求哉。若仍視為具文，玩燭勿儆，毀方躍冶，恭棄自甘，則是爾等冥頑無知，終不能率教也。既負栽培，復干咎戾，王章具在，朕亦不能為爾等寬矣。自茲以

往內而國學外而直省鄉校凡學臣師長皆有
司鐸之責者並宜傳集諸生多方董勸以副朕
懷否則職業勿修咎亦難逭勿謂朕言之不預
也爾多士尚敬聽之哉

世宗憲皇帝訓飭州縣諭 雍正元年

朕惟國家首重吏治爾州牧縣令乃親民之官
吏治之始基也貢賦訟獄爾實司之品秩雖卑
職任綦重州縣官賢則民先受其利州縣官不
肖則民先受其害膺茲任者當體朝廷惠養元
元之意以愛民為先務固察部屋綏輯鄉里治

普安州志

卷之一

聖訓

六

行果有其實循卓自有其名非內聚賄而外干
譽謂之名實兼收者也全省吏治如作室然督
撫其棟梁也司道其垣墉也州縣其基址也書
云民惟邦本本固邦寧夫所以固邦本者在吏
治而吏治之本在州縣苟州縣之品不端猶基
不立則室不固容有濟乎

皇考臨御六十一年灼知州縣之重特行引見咨詢明
試至詳至慎其有廉能之員每不次超擢以示
鼓勵今海內羣黎皆

皇考所懷保也朕膺

宗社重寄思繢

皇考之治功惟爾州縣諸臣俱有父母斯民之責其為朕立之基址以固邦本焉誠能潔已奉公實心盡職一州一縣之中興仁興讓教孝教忠物阜民安刑清政簡朕將升之朝宁用作股肱如或罔念民瘼恣意貪婪或取削肥家或濫刑逞虐或借刻以為清或恃才而多事或諂諛上司以貪位或任縱胥吏以擾民或徇私欲以上虧國帑玉章具在豈爾貸歟更有任州縣時私肥已橐而漫云且俟顯要方立名節者其與初市清

普安州志

卷之一

聖訓

名晚而改節之人何以異哉至於錢糧關係尤重絲毫顆粒百姓之膏脂增一分則民受一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾謂臣其聞之矣今州縣火耗任意加增視為成例民何以堪嗣後斷宜禁止或被上司察劾或被利道糾叅必從重治罪決不寬貸夫欲清虧空之源莫如節儉正直節儉則用無不足正直則上官不可干以私若朕小民之生以飽土官之貪欲冒不測之罪以快

一時之奢侈豈砥礪廉隅為民父母之道乎爾
州縣等官其恪供乃職勿貽罪戾毋謂地遠官
卑朕不及察其賢否也特諭

世宗憲皇帝旌表節義諭 雍正元年

旌表節義乃彰善大典每見直省有力之家尚
能上達而鄉村貧窶之人則多湮沒無聞深可
憫惻着督撫學臣及有司遍加採訪務使苦寒
守節之家同沾恩澤至節婦年逾四十而計其
守節已滿十五年以上者亦應酌量旌獎着該
部議奏

普安州志

卷之一

聖訓

八

世宗憲皇帝嚴飭土官 雍正二年

諭四川陝西湖廣廣東廣西雲南貴州督撫提鎮
朕聞各處土司鮮知法紀所屬土民每年科派
較之有司徵收正供不啻倍蓰甚至取其馬牛
奪其子女生殺任情土民受其魚肉敢怒而不
敢言莫非朕之赤子天下共享樂利而土民獨
使向隅朕心深為不忍然土司之敢於恣肆者
大率皆漢奸為之指使或緣事紀法避罪藏身
或積惡生奸依勢橫行此輩粗知文義為之主
文辦事教之為非無所不至誠可痛恨嗣後督

撫提鎮宜嚴飭所屬土官愛恤土民毋得視為魚肉毋得濫行科派如申飭之後不改前非一有事犯土司叅革從重究擬漢奸立置重典切勿姑容寬縱以副朕子惠元元遐邇一體之至意欽此

世宗憲皇帝四省接壤分界安汎諭 雍正二年

諭雲南貴州四川廣西督撫提鎮等狎苗素稱克悍加以漢奸販棍潛藏其中引誘為惡以致燒殺劫掠毒害善良居民深受其擾今督臣鄂爾泰等奉旨剿撫業已擒獲兇苗販棍正在撫恤

普安州志

卷之一

聖訓

九

地方籌畫久遠之計朕聞滇黔蜀粵四省接壤之區猺獞雜處不時統衆越境讐殺攪害鄰封地方文武官員往往以責任不專彼此推諉苟且因循以致塵案莫結者甚多此天下之共知共聞者如廣西西隆州古障地方土目王尚義等與貴州普安州捧鮓地方之苗目阿九等互控一案遷延數年之久尚未審理朕已降旨督責此即其明証也况各省所設汎防在于腹內而猺獞則環居腹外防範難週遇有殺掠必待事主稟報始行追捕往返耽延兇徒已遠遁矣

四省督撫提鎮宜各委賢員於四省接壤之地
勘明界址凡猺獞販棍往來要路設立營汛派
撥遊守等官帶領弁兵駐防稽察倘有越境讐
殺剽掠之事即時擒解不使漏網其委防弁兵
以一年為期即于四省附近營伍內輪流撥換
如一年之內無越境生事之人有能逐名拏獲
者四省督撫提鎮會同保題從優議叙兵丁量
加賞賚倘有貪功生事騷擾地方者立即題參
從重治罪朕意如此于地方有益與否其如何
分界設汛派撥弁兵經理妥協之處着四省督

普安州志

卷之一

聖訓

十

撫提鎮悉心商酌定議具奏欽此
今上皇帝訓飭州縣教民諭乾隆八年

國家子惠黎元教養由來並重朕君臨天下宵
旰維勤重農桑輕徭賦所以養民者惟恐不周
至於正人心厚風俗皆國之大務尤所時厯於
懷者凡中外臣工莫不諄切誠諭務使民間習
尚馴良訟獄衰息以漸臻風移俗易之效乃數
年以來民風仍未還淳習俗每輕犯法豈小民
之不可牖迪歟抑牧令之教化不洽而德意未
孚也古者朝廷之政象魏懸書閭里之教月吉

讀法三物六行匪徒具文我

聖祖仁皇帝聖諭十六條飭紀敦倫型方正俗精義超
越前古

世宗憲皇帝萬言廣訓益加詳明剴切開導所以牖民
覺世者至矣使地方有司竭誠宣布雖甚愚頑
誰無天性亦必洗心滌慮革薄從忠駁駁於上
理無如實力奉行者甚少即朔望宣講不過在
城一隅附近居民聚集觀聽者僅數百十人而
各鄉鎮間有講約之所亦多日久廢弛全無實
際至所奉諭旨有關於教民者亦惟張掛告示

普安州志

卷之一

聖訓

十一

視為通行之常例焉能使之悅耳革心翻然悔
悟是以尚氣輕生徂於性成作奸犯科常為俗
染及其怙終不校而刑罰隨其後朕甚憫之夫
守令者民之父母古所稱忠信之長慈惠之師
惟本至誠惻怛之意以感動愚民使之各自警
省又能隨時隨事委曲勸誘諒無有不可化誨
之人亦無往而非敷教之地即聽訟一端兩造
具在隣佑親族齊集公所正百姓耳目所屬推
誠曉諭最易提撕不徒現犯者各自愧悔并使
旁觀者亦因此傳播交相勸勉若公事稍暇或

講讀編審或勸課農桑即可單車簡從親歷鄉
村遇父老子弟獎其善長懲其不率申之以勸
誠示之以榮辱循謹者益加鼓舞即强悍者亦
知戒懲漸摩日久性情和順貪利好勝之心不
作而一道同風之盛可幾矣惟是百姓以守令
之行事為觀感守令以督撫之意指為從違為
督撫者果能輩率所屬留心化導實力奉行日
計不足月計有餘斷未有為其事而無其功者
若徒視為虛文接到諭旨轉行牌示遂以為已
經遵奉則亦何益之有各省督撫等受朕深恩

畀以封疆重寄尚其儆毘勉以無負朕諄諄
誥誡之至意特諭

今上皇帝訓示考成州縣勸民務農諭 乾隆八年

朕惟養民之本莫要於務農州縣考成固應用
是為殿最而向來功令不專以此課吏者因其
事甚樸無可絃長其迹似迂驟難見效又或上
官之察勘難周有司之條教易飾不似催科聽
斷捕盜等事之顯而有據也督撫察吏每於此
等本計轉視為老生常談漠焉不甚如意以致
州縣之吏趨承風旨專以簿書期會為先而農

事反居其後職司民牧之謂何不知為治之道
本舉而末自隨之如果南畝西疇人無餘力于
耜舉趾日無暇時則心志自多淳樸風俗自鮮
囂凌人知急公而閭閻無待追呼矣人知畏法
而盜賊因以寢息本計既端木事亦次第就理
如此則州縣之考成似疎而實密即督撫之察
核可簡而不煩日計不足月計有餘民生大有
裨益即治道亦漸致邗隆若夫朝令夕申意非
不美束縛馳驟適以擾民為督撫者當善體朕
意毋視為具文毋事於塗飾誠以實心化導其
屬俾屬吏亦以實力勸課其民庶幾野無游惰
之風家有蓋藏之樂朕以此訓示督撫業已至
再至三不啻耳提面命今復降此諭實願與天
下共敦本計故不厭其言之重而詞之複也各
省督撫其共勉之特諭